



JAFNRÆÐI • JÁKVÆÐNI  
TRAUST • VIRÐING

# Pistill sveitarstjóra

Sveinn Margeirsson

## Skútustaðahreppur

### 28. maí 2021

Kæru Mývetningar nær og fjær! Orkubomba um helgina! Um að gera að drífa sig út og njóta góða veðursins, fráberrar tónlistar og lífsins og tilverunnar. Allar frekari upplýsingar á <https://www.visitmyvatn.is>, í pistlinum ætlum við að beina sjónum að uppgjöri og fleiru sem gott að er að velta fyrir sér á milli atriða um helgina!

### Ársreikningur samþykktur af sveitarstjórn

Sveitarstjórn hefur fjallað um ársreikning sveitarfélagsins árið 2020 og samþykkt hann. Rekstur sveitarfélagsins á seinasta ári gekk vel miðað við erfiðar aðstæður sem sköpuðust vegna Covid-19 heimsfaraldursins. Rekstrartekjur sveitarfélagsins á árinu námu 611,8 milljónum króna, þar af námu rekstrartekjur A hluta 572,4 milljónum króna. Rekstrarafgangur samstæðunnar var sjö þúsund krónur sem var 45,4 milljónum króna undir áætlun. Rekstrarniðurstaða A-hluta var neikvæð að fjárhæð 15,1 milljón króna.

Nettófjárfesting í rekstrarfjármunum var 120,4 milljónir, en gert hafði verið ráð fyrir nettófjárfestingu upp á 160 milljónir í áætlun. Handbært fé í árslok 2020 nam 112,8 milljónum. Helstu frávik í rekstri voru ríflega 36 milljónum lægri skatttekjur, 39 milljónum hærri framlög frá Jöfnunarsjóði sveitarfélaga og 7 milljónum hærri aðrar tekjur en áætlað var. Launakostnaður var 21 milljón hærri en 2019, en annar rekstrarkostnaður var 9 milljónum lægri.

Heildareignir í samanteknum reikningsskilum A og B hluta eru 1049 milljónir króna. Heildarskuldir og skuldbindingar eru 417 milljónir króna.

Lífeyrisskuldbinding hækkar frá árinu 2019 og nemur

89,3 milljónum króna og þar af er áætluð næsta árs greiðsla 2,6 milljónir króna. Skuldahlutfall A- og B-hluta skv. 2. tl. 64. gr. sveitarstjórnarlaga nemur 68,2% af reglulegum tekjum. Eigið fé í samanteknum reikningsskilum er 631,6 milljónir króna og er eiginfjárhlutfall 60,2%. Veltufjárhlutfall samstæðunnar var 1,28. Rekstur í samanteknum reikningsskilum A og B hluta skilaði 51,4 milljónum króna í veltufé frá rekstri sem er 8,4% af heildartekjum.

Þrátt fyrir mikinn fyrirsjáanlegan tekjusamdrátt vegna Covid-19 nam fjárfesting í varanlegum rekstrarfjármunum í samanteknum reikningsskilum A og B hluta á árinu 2020 samtals 120 milljónum króna en áætlun gerði ráð fyrir 160 milljónum króna. Meðal helstu framkvæmda ársins var göngu- og hjólréiðastígur, malbikunarframkvæmdir, hitaveituf framkvæmdir, viðhaldsframkvæmdir á Reykjahlíðarskóla o.fl. Fjárfestingar voru fjármagnaðar með samtals 190 milljónum langtímalánum. Samhliða voru um 50 milljónum skammtímaskuldir greiddar upp.



Fjárhagsleg viðmið sveitarfélaga miðast meðal annars við að:

- Skuldaviðmið sveitarfélaga þ.e. að heildarskuldir og skuldbindingar samstæðu í reikningskilum séu ekki hærrí en sem nemur 150% af reglulegum tekjum sveitarfélagsins. Skuldaviðmið samstæðu Skútustaðahrepps í árslok 2020 er 68,2%.

- Fjárhagsleg viðmið sveitarfélaga tilgreina einnig að rekstrarjöfnuður á hverju þriggja ára tímabili sé jákvæður og er þessi rekstrarjöfnuður hjá Skútustaðahreppi jákvæður sem nemur 153,6 milljónum króna.

Ljóst er að Covid-19 heimsfaraldurinn hefur haft veruleg áhrif á rekstur Skútustaðahrepps. Þær efnahagslegu aðgerðir sem ríkisstjórnin hefur ráðist í vegna faraldursins hafa skipt miklu máli við að verja rekstur sveitarfélagsins og halda uppi fjárfestingagetu þess. Framlag starfsmanna sveitarfélagsins hefur jafnframt skipt afar miklu máli, en lögð hefur verið áhersla á að verja störf innan sveitarfélagsins, samhliða því að draga úr öðrum rekstrarkostnaði. Sveitarstjórn þakkar starfsmönnum sveitarfélagsins fyrir þeirra framlag í þessum efnunum.

## Rekstur fyrstu fjóra mánuði ársins 2021 í samræmi við áætlanir

Lagðar fram upplýsingar um rekstur Skútustaðahrepps fyrstu fjóra mánuði ársins. Reksturinn er í meginatriðum í samræmi við fjárhagsáætlun, sem gerir ráð fyrir um 36 milljóna halla. Innheimt útsvar nemur 79,7 milljónum fyrstu fjóra mánuði ársins 2021. Til samanburðar nam innheimt útsvar fyrstu fjóra mánuði ársins 2020 samtals 80,8 milljónum. Kostnaður vegna fræðslu- og uppeldismála er stærsti gjaldaliðurinn og nemur hann 92,5 milljónum á fyrstu mánuði ársins 2021, til samanburðar við 84,8 milljónum fyrstu fjóra mánuði ársins 2020, en kjarasamningar hafa haft mikil áhrif á kostnað við rekstur fræðslu- og uppeldismála.

## Hofsstaðir í heilmikilli þróun

Húsnæðið á Hofsstöðum hefur tekið stakkaskiptum síðustu vikurnar, í traustum höndum Trésmiða Mývatnssveitar. Minjastofnun hyggur á margskonar þróun svæðisins á næstu misserum og verða m.a. tveir starfsmenn á vegum stofnunarinnar með áherslu

á Hofsstaði að störfum í sumar. Meðfylgjandi mynd af varaoddvita og starfsmönnum Minjastofnunar náðist á dögnum við bollaleggingar um góð næstu skref, en íbúar Skútustaðahrepps eru hvattir til að hafa samband við Kristínu Huld Sigurðardóttur, forstjóra Minjastofnunar ef þeir hafa góðar hugmyndir um uppbyggingu að Hofsstöðum.



## Sameiningarkosningar 5. júní

Kjörskrá fyrir sameiningarkosningar 5. júní n.k. hefur verið lögð fram og yfirfarin. Á kjörskrá eru 308 aðilar. Kjörskráin liggur frammi á skrifstofu sveitarfélagsins, almenningi til sýnis fram að kjördegi. Atkvæðagreiðslan hefur verið auglýst á íslensku, ensku og pólsku og hefur samgöngu- og sveitarstjórnarráðuneytið staðfest kjörseðil þann sem notaður verður. Mögulegt er að greiða atkvæði utan kjörfundar á skrifstofum sveitarfélaganna til og með fimmtudagsins 3. júní. Þá er mögulegt að greiða atkvæði utan kjörfundar hjá embætti sýslumanna um land allt til og með fimmtudagsins 3. júní. Sveitarstjórn hvetur íbúa til að nýta kosningarétt sinn.



## Störf í sveitarstjórn verði skilvirk og fjölskylduvæn

© 25.05.2021 - 15:43

Innlent · Norðurland · Sameining sveitarfélaga · Skútustaðahreppur · Þingeyjarsveit · Stjórnarmál · Sveitarfélög



## Söfnunartunnur: Lífrænir afgangar

Söfnunartunnum fyrir lífræna afganga í Bokashi tilraun Skútustaðahrepps hefur verið komið fyrir við hreppsskrifstofu, á gámvelli og við Gíg. Frekari upplýsingar um verkefnið, sem er í samstarfi við Landgræðsluna og Terra, má fá hjá Valerija:

[valerija@skutustadahreppur.is](mailto:valerija@skutustadahreppur.is)

## HRÓS DAGSINS

Hrós dagsins fellur í skaut hörkuduglegra nemenda og kennara Reykjahliðarskóla sem fegruðu umhverfi Mývatnssveitar með ruslatínslu nýverið. Takk!



Góður vilji stytir leiðina!

**Sveinn Margeirsson, sveitarstjóri**

